



2015 yil "20" январь № 34

Farg'ona shahri

**Тендер танлови ғолиби “Vita Standart Gaz”  
маъсулияти чекланган жамиятига  
автомобилларга газ тўлдириш компрессор  
шаҳобчаси қуриш учун ер майдони  
танлаш ва ажратиш тўғрисида**

Ўзбекистон Республикаси «Ер Кодекси», Қува тумани ҳокимининг 2014 йил 11 декабрдаги 1936-сонли қарори, вилоят ҳокимлиги хузуридаги ер участкалари бериш (реализация қилиш) масалаларини кўриб чиқувчи комиссиясининг хulosasi ҳамда тақдим этилган ҳужжатларни кўриб чиқиб

**ҚАРОР ҚИЛАМАН**

1. Қува тумани ҳокимининг 2014 йил 11 декабрдаги “Тендер ғолиби “Vita Standart Gaz” маъсулияти чекланган жамиятига автомобилларга газ тўлдириш компрессор шаҳобчаси қуриш учун ер майдони танлаш ва ажратиш тўғрисида”ги 1936-сонли қарори тасдиқлансин.

2. Тендер ғолиби “Vita Standart Gaz” маъсулияти чекланган жамиятига Намуна қишлоқ фуқаролар йиғини, Бўзахўр қишлоғида жойлашган, туман захирасидаги, қишлоқ хўжалиги харитасининг 32,33-контурлардаги, 45 балл бонитетли, жами 1,5 гектар, шундан 1,5 гектар экин ер майдони автомобилларини газ билан тўлдириш компрессор шаҳобчаси қурилиши учун танлансин ва доимий фойдаланиш ҳуқуқи билан белгиланган тартибда ажратиб берилсин.

3. “Vita Standart Gaz” маъсулияти чекланган жамиятига:

танланган ва ажратиб бериш кўзда тутилган ер майдонига фақат бош лойиҳа-смета ҳужжатларига таяниб, архитектура ва қурилиш бошқармасининг кўрсатмаларирига риоя этган ҳолда қурилиш ишларини олиб бориш, қурилиш даврида ер қонунчилигига, санитария-гигиена, табиатни муҳофаза қилиш ва ёнғин хавфсизлиги талабларига амал қилиш шартлиги;

бош режа асосида мазкур қурилишларни олиб бориш;

ушбу қурилишлар учун суғориладиган ер майдонларидан ер участкалари танланиши ва ажратилиши муносабати билан вилоят Ер ресурслари ва давлат кадастри бошқармасининг маҳсус ҳисоб

рақамига қишлоқ хўжалиги ишлаб чиқариш нобудгарчиликлари ўрнини қоплаш учун 34608600 (ўттиз тўрт миллион олти юз саккиз минг олти юз) сўм миқдордаги маблағни белгиланган тартибда тўлаш;

ажратилиши кўзда тутилаётган суғориладиган майдондаги тупроқнинг унумдор қатламини кўчириб олиб, унумдорлиги паст бўлган ерларга чиқариш вазифалари юклатилсин.

4. Вилоят Иқтисодиёт бош бошқармаси, вилоят Давлат Солиқ бошқармаси, вилоят Статистика бошқармаси ҳамда вилоят Ер ресурслари ва давлат кадастри бошқармалари тегишли хисоботларига ўзгартиришлар киритилиши таъминлансин.

5. Ушбу қарорни бажарилишини назорат қилиш вилоят ҳокимининг ўринбосари С.Зокиров зиммасига юклатилсин.

Вилоят ҳокими

Ш.Ғаниев